

續資治通鑑

續資治通鑑卷第二百四

聖主哀節制舊制有御極初北朝皇地有移新舊二時聖制舊制

元紀二十一

一起著雍執徐正月
盡十二月凡一年

泰定帝

致和元年春正月甲戌享太廟 命繪蠶麥圖 乙亥

詔百司凡不赴任及擅離職者奪其官避差遣者笞之

監察御史鄒惟亨言時享太廟三獻官舊皆勲戚大

臣而近以戶部大臣爲亞獻人既踈遠禮難嚴肅請仍

舊制以省臺樞密宿衛重臣爲之 丁丑頒農桑舊制

十四條於天下仍厲有司以察勤惰 帝將畋柳林己

卯御史王獻等以歲饑諫帝曰其禁衛士毋擾民家命御史二人巡察之 占城來貢方物且言爲交趾所侵詔諭解之 禁僧道匿商稅 辛巳靜江徭寇靈川臨桂二縣命廣西招討之 戊子罷河南鐵冶提舉司歸有司 大都及河間大名諸路饑賑之 二月庚申詔改元致和 免河南白實錢糧一年被災州郡稅糧一年流民復業者差稅三年疑獄繫三年不決者咸釋之 癸亥解州鹽池黑龍隄壞調番休鹽丁修之 賑陝西諸路饑 三月庚午雲南安龍寨土官岑世忠與其弟世興相攻籍其民三萬二千戶來附歲輸布三千匹

請立宣撫司以總之不允置州一以世興知州事知縣
二聽世忠舉用仍諭其兄弟共處 達實特穆爾都爾
蘇言災異未弭由官吏以罪黜罷者怨悻所致請量才
敘用從之 辛未大天源延壽寺顯宗神御殿成置總
管府以司財用 己卯帝御聖教殿受無量佛戒於帝
師庚辰命僧千人修佛事於鎮國寺 甲申遣戶部尙
書李嘉努往鹽官祀海神仍集議修海岸丙戌帝師命
僧修佛事於鹽官州造浮屠二百一十六以厭海溢
帝改於柳林以疾還官時簽書樞密院事雅克特穆爾
兼總環衛以帝在位五年相本未固而都爾蘇狡愎自

用人心不附遂謀立武宗之子以徼大功諸王圖阿穆

爾台

舊倫阿馬刺台今改

太常禮儀使噶海齊

舊倫哈麻赤今改

宗正達

噶噶齊庫庫楚等亦與雅克特穆爾謀曰主上之疾日

臻今將往上都如有不諱吾黨扈從者執諸王大臣般

之居大都者卽縛大都省臺官宣言太子已至正位宸

極傳檄守禦諸關則大事濟矣戊子帝如上都滿圖庫

庫楚等扈從西安王喇特納實哩

舊倫阿刺忒納失里今改

居守雅

克特穆爾

舊倫燕帖木兒今改

亦畱京師

賑河南四川饑

夏

四月丙申欽州獠黃焱等爲寇命湖廣行省備之己

亥達實特穆爾都爾蘇請凡蒙古色目人效漢法丁憂

者除其名從之 己酉御史楊倬等以民饑請分僧道
儲粟濟之不報 戊午禁偽造金銀器 是月崇明州
大風海溢 五月甲子遣官分護流民還鄉仍禁聚至
千人者杖一百 丙寅廣西普寧縣僧陳慶安佗亂僧
號改元 癸酉籍在京流民廢疾者給糧遣還 大理
怒江甸土官阿哀你寇樂辰諸寨命雲南行省督兵捕
之 庚辰有流星大如缶其光燭地 秋七月辛酉朔
寧夏地震 庚午帝崩於上都年三十六葬起輦谷帝
在位災異數見然能守祖宗之法天下號稱治平 己
卯大寧路地震 乙酉皇后皇太子降旨諭安百姓

雅克特穆爾聞帝崩謀於西安王喇特納寶哩陰結勇士八月甲午黎明百官集興聖宮雅克特穆爾率阿喇特穆爾佛倫齊等一十七人兵皆露刃號於眾曰武宗皇帝有子二人大統所在當迎立之敢有不順者斬乃手縛平章政事烏巴圖爾巴延徹爾分命勇士執中書左丞托多參知政事王士熙參議托克托吳秉道侍御史特默格邱世傑太子詹事丞王桓等皆下獄雅克特穆爾與西安王入守內庭分處腹心於樞密自東華門夾道重列軍士使人傳命往來其中以防洩漏於是籍府庫錄符印召百官入內聽命時周王和寶拉方遠在

沙漠猝未能至慮他生變乃遣前河南行省參政明埒

棟阿

舊倫明里董阿今改

前宣政使達里瑪實勒馳驛迎懷王圖

卜特穆爾於江陵密以意諭河南行省平章政事巴延
令簡兵以備扈從是日推前湖廣行省左丞相拜布哈
爲中書左丞相太子詹事塔斯哈雅爲中書平章政事
前湖廣行省右丞蘇蘇爲中書左丞前陝西行省參知
政事王布璘濟達爲樞密副使與中書右丞趙世延翰
林學士承旨伊勒齊通政院使達什分典機務調兵守
禦關要以諸衛兵屯京師出府庫犒軍士諸衛軍無統
屬者又有謁選及罷退軍官皆給之符牌以待調遣既

受命未知所謝乃指使南向拜眾皆愕然始知有定向
雅克特穆爾直宿禁中達旦不寐一夕或再徙人莫知

其處弟薩敦

舊倫撒敦今改

子騰斯吉

舊倫唐其勢今改

時畱上都密

遣達實特穆爾召之皆棄其妻子來歸 乙未調諸衛

兵守居庸關及盧兒嶺丙申遣左衛率使圖嚕將兵屯

白馬甸隆鎮衛指揮使鄂圖曼將兵屯泰和嶺丁酉發

中衛兵守遷民鎮又遣薩里布哈等往江陵趣懷王早

發且令達實特穆爾矯爲使者自南來言懷王已次近

郊使民無驚疑 戊戌徵宣靖王雅克布哈於山東

己亥徵兵遼陽 明埒棟阿等至汴梁以其謀密告巴

延巴延曰此吾君之子也卽集僚屬告以故於是會計倉廩府庫穀粟金帛之數乘輿供御牢餼膳羞徒旅委積士馬芻糧供億之須以及賞賚犒勞之用靡不備至不足則檄州縣募民折輸明年田租及貸商人貨貲約倍息以償又不足則邀東南常賦之經河南者止之以給其費徵發民丁增置驛馬補城櫓浚濠池修戰守之具嚴徵邏斥堠日披堅執銳與僚佐屬掾籌其便宜卽遇有急扣布哈以其事馳告懷王又使羅勒報雅克特穆爾曰公盡力京師河南事我當自效巴延別募勇士五千人以迎懷王而躬勒兵以俟叅政托克台曰今蒙

古軍馬與宿衛之士皆在上都而令特默齊軍守諸隘
吾恐此事之不可成也我等圖保性命它何計哉巴延
不從其言是夜托克台懷刃欲殺巴延爲雙巴延覺拔
劍殺之奪其所部軍器收馬千二百匹懷王命薩哩布
哈拜巴延河南行省左丞相 庚子發宗仁衛兵增守
遷民鎮 辛丑遣萬戶徹里特穆爾將兵屯河中 癸
卯河南行省般平章濟里右丞濟特穆爾 是日明將
棟阿等至江陵甲辰懷王發江陵遣使召鎮南王特穆
爾布哈威順王寬徹布哈湖廣行省特穆爾布哈來會
執湖廣行省左丞瑪合謨送京師以集慶代之 丙午

遣前西臺御史賚瑪赫巴等諭陝西 丁未命薩敦以
兵守居庸關騰吉斯屯古北口 戊申復令柰曼台爲
北使稱周王從諸王兵整駕南來中外乃安 己酉上
都諸王們圖阿穆爾台宗正達魯噶齊庫庫楚前河南
行省平章政事瑪噶集賢侍讀學士烏魯斯布哈太常
禮儀院使噶海齊等十八人同謀援大都事覺都爾蘇
殺之 庚戌懷王至汴梁前翰林學士承旨阿爾哈雅
以父憂家居聞王來卽易服出迎至汴郊王命爲河南
行省平章政事巴延屬橐駝環甲冑與百官父老導入
咸俯伏稱萬歲卽叩首勸進王解金鎧寶刀及海東白

鵠文豹賜巴延明日扈從北行阿爾哈雅鎮汴高價糴粟以時糧儲命近郡分治戎器閱士卒括馬民間以備不虞 辛亥薩里布哈至自江陵言懷王已啟塗是日拜雅克特穆爾知樞密院事 壬子阿蘇衛指揮使托克托穆爾帥其軍自上都來歸卽命守古北口 癸丑上都諸王及用事臣以兵分道犯京畿畱遼王托克托諸王博囉特穆爾太師多岱左丞相都爾蘇知樞密院事特穆爾圖居守 甲寅賚瑪赫巴等至陝西皆見殺 乙卯托克托穆爾及上都諸王實喇平章政事柰瑪岱詹事奇徹戰於宜興斬奇徹於陳擒柰瑪岱送京師

殺之實喇敗走 丙辰雅克特穆爾率百官備法駕郊
迎丁巳懷王至京師入居大內 貴赤衛指揮使托克
賓率其軍自上都來歸命守古北口 戊午懷王以蘇
蘇爲中書平章政事前御史中丞曹立爲中書右丞江
浙行省參知政事張友諒爲中書參知政事河南行省
左丞相巴延爲御史大夫中書左丞趙世延爲御史中
丞 己未以河南萬戶伊蘇岱爾同知樞密院事 上
都梁王旺沁右丞相達實特穆爾太尉布哈平章政事
瑪魯御史大夫寧珠等兵次榆林 隆鎮衛指揮使赫
善謀附上都坐乘市籍其家 九月庚申朔雅克特穆

爾督師居庸關遣薩敦襲上都兵於榆林擊敗之追至懷來而還 隆鎮衛指揮使鄂多曼以兵襲上都諸王

明里托穆爾托穆齊於陀羅臺執之歸於京師時都爾

蘇在上都立皇太子喇實晉巴

舊作阿速
吉八今改

爲皇帝年方

九歲改元天順

命有司括馬

中書左丞相拜布哈

言回回人哈哈迪自至治間貸官鈔違制別往番邦得

寶貨無筭法當沒官而都爾蘇私其種人不許今請籍

其家從之

雅克特穆爾請

瑪哈謨從之

陝西兵

入河中府劫行用庫鈔萬八千錠殺同知府事布圖倫

王戌命蘇蘇宣諭中外曰晉在世祖以及列聖臨御

咸命中書省綱維百司總裁庶政凡錢穀銓選刑罰興
造罔不司之自今除樞密院御史臺其餘諸司及左右
近侍敢有隔越中書奏請政務者以違制論監察御史
其糾言之 以高昌王特穆爾布哈知樞密院事額森
特爲宣徽院使 徵五衛屯田兵赴京師賜上都將士
來歸者鈔各有差 樞密院言河南行省軍列戍淮西
距潼關河中不遠湖廣行省軍唯平陽保定兩萬戶號
稱精銳請發蘄黃戍軍一萬人及兩萬戶軍爲三萬命
湖廣參政鄭昂霄萬戶托克托穆爾將之竝黃河爲營
以便徵遣從之 召雅克特穆爾赴闕 上都諸王額

森特穆爾遼東平章圖們岱爾

舊倫圖滿
達兒今改

以兵入遷民

鎮遣薩敦往拒至薊州東流沙河累戰敗之

丁卯雅

克特穆爾率諸王大臣請早正大位以安天下懷王固
辭曰大兄在朝漠予敢紊天序乎雅克特穆爾曰人心
向背之機間不容髮一或失之噬臍無及懷王曰必不
得已當明著吾意以示天下而後可 遣元帥阿圖爾

守居庸關

上都軍攻碑樓口指揮使伊蘇岱爾禦之

不克

戊辰以大司農明埒棟阿大都留守庫庫台並

爲中書平章政事

募勇士從軍遣使分行河間保定

真定及河南等路括民馬徵鄆陵縣河西軍赴闕

命

襄陽萬戶楊克忠鄧州萬戶孫節以兵守武關 己巳
鑄御寶成 立行樞密院於汴梁以同知樞密院伊蘇
岱爾知行樞密院事將兵行視太行諸關西擊河中潼
關軍以摺疊弩分給守關軍士 辛未常服謁太廟
是日額卜德呼勒特默格棄市托多王士熙巴延徹爾
托歡等各流於遠州竝籍其家 壬申懷王卽皇帝位
於大明殿受諸王百官朝賀大赦詔曰我世祖混一海
宇爰立定制以一統緒宗親各受分地勿敢妄生覬覦
世祖之後成宗武宗仁宗英宗以公天下之心以次相
傳宗王貴戚咸遵祖訓至於晉邸具有盟書願守藩服

而與賊臣特克實額森特穆爾等潛通陰謀冒干寶位
使英宗不幸罹於大故朕兄弟播越南北徧歷艱險臨
御之事豈復與聞朕以叔父之故順承唯謹於今六年
災異迭見權臣都爾蘇烏拜都喇專權自用踈遠勲舊
廢棄忠良變亂祖宗法度空府庫以私其黨類大行上
賓利於立幼顯握國柄用成其奸宗王大臣以宗社之
重統緒之正協謀推戴屬於眇躬朕以非德宜俟大兄
固讓再三宗室將相百僚耆老以爲神器不可以久虛
天下不可以無主周王遼隔朔漠民庶皇皇己及三月
誠懇迫切朕姑從其請謹俟大兄之至以遂朕固讓之

心已於致和元年九月十三日卽皇帝位於大明殿其
以致和元年爲天歷元年可大赦天下 癸酉封雅克
特穆爾爲太平王以太平路爲食邑賜平江官地五百
頃加開府儀同三司上柱國錄軍國重事中書右丞相
監修國史時遼東圖們岱爾兵至薊州卽日命雅克特
穆爾將兵擊之己亥次三河而旺沁等軍已破居庸關
遂進屯三家丙子雅克特穆爾蓐食倍道而進丁丑抵
榆河關帝出齊化門視師將親督戰雅克特穆爾單騎
請見曰陛下出民必驚凡翦寇之事一以責臣願陛下
亟還宮以安黎庶帝乃還 先是徵左右阿蘇衛軍老

幼赴京師不行者斬籍其家阿蘇衛指揮呼圖布哈塔
哈特穆爾等於是構變事覺械送京師斬以徇 戊寅
諭中外曰近以奸臣都爾蘇額卜德埒勒潛通陰謀變
易祖宗成憲既已明正其罪凡回回種人不預其事者
其安業勿懼有因而煽惑其人者罪之 命畱守司完
京城軍士乘城守禦 雅克特穆爾與旺沁前軍遇於
榆河北奮擊敗之追至紅橋北旺沁將樞密副使阿喇
特克爾指揮呼圖特穆爾引兵會戰阿喇特穆爾執戈
入刺雅克特穆爾側身以刀格其戈就斫之中其左臂
部將和尙馳擊呼圖特穆爾亦中其左臂二人驍將也

敵爲奪氣遂卻因據紅橋兩軍阻水而陳命善射者射之遂退師於白浮南命知院伊蘇岱爾巴都爾伊訥斯等分爲三隊張兩翼以角之敵軍敗走 庚辰詔諭御史臺今後監察御史廉訪司凡有刺舉竝著其罪無則勿妄以言廉訪司書吏當以職官教授吏員鄉貢進士參用 加封漢前將軍關羽爲顯靈義勇武安英濟王遣使祀其廟 辛巳雅克特穆爾與上都軍大戰於白浮之野雅克特穆爾手斃七人會日晡對壘而宿夜二鼓遣阿蘇特穆爾等將精銳百騎鼓噪射其營敵眾驚擾自相擊至旦始悟人馬死傷無數壬午天大霧旺沁

等竄身山谷癸未集散卒復來戰雅克特穆爾率師駐
白浮西堅壁不動是夜又命薩敦前軍繞其後部曲巴
都爾壓其前來營吹銅角以震盪之敵亂自相擊已乃
西遁遲明追及於昌平北斬首數千級降者萬餘人帝
遣使賜雅克特穆爾上尊諭旨曰丞相每臨陳躬冒矢
石脫有不虞柰何自今第以大將旗鼓憑高督戰可也
雅克特穆爾對曰凡戰臣必以身先之若委之諸將萬
一失利悔將何及是日敵軍再戰再北旺沁單騎亡命
薩敦追之不及還至昌平南俄報古北口不守上都軍
掠石槽乃遣薩敦爲先驅雅克特穆爾以大軍繼其後

至石槽敵軍方炊揜其不備直擣之大軍竝進追擊四十里至牛頭山擒駙馬博囉特穆爾等獻闕下戮之各衛將士降者不可勝計餘兵奔竄夜遣薩敦襲之逐出

古北口

攷異元人撰太平王德勝廟碑以頌雅克特穆爾之戰功其詞云非因其地利待其人力向其

高詐而勝也以德而勝哉非奉天時致天討不能也元史文宗紀及雅克特穆爾傳亦多偏袒之詞錢辛楣曰天歷之君臣乘國有大器大都空虛挾其權謀詐力以奪人主之嫡嗣慮天下議其後因誣晉邸以惡名而當時傾危阿附之徒佞爲文詞大書深刻謂奉天時以致天討然萬世公論具在其可欺乎元史於泰定天歷之間多徇曲筆未

清安王庫布哈

舊倫獨不花今改

等將陝

西兵潛由潼關南水門入萬戶博囉棄關走庫布哈等分據陝州諸縣引兵前進河南告急之使狎至 丁亥

圖們岱爾及諸王伊蘇特穆爾軍陷通州將襲京師雅克特穆爾急引軍還會京城里長召募丁壯及百工合萬人與兵士爲伍乘城守禦命居庸關及冀寧保德靈石代崞嵐石汾隰吉州諸關皆穿塹壘石爲固調丁壯守之 戊子陝西行臺御史大夫額森特穆爾引兵從大慶關渡河擒河中府官殺之萬戶薩里特穆爾軍潰而遁官吏皆棄城走額森特穆爾悉以其黨代之 有司持詔自江浙還言行省臣意有不服者詔遣使問不敬狀將悉誅之中書左司郎中策丹言於雅克特穆爾曰上新卽位雲南四川猶未定乃以使臣一言殺行省

大臣恐非盛德事況江浙豪奢之地使臣不得厭其所
需則造言以陷之耳雅克特穆爾以言於帝事乃止

冬十月己丑朔日將昏雅克特穆爾抵通州乘圓們岱
爾等初至擊之敵軍狼狽走渡潞河庚寅夾河而軍敵
列植秫秸衣以氊衣然火爲疑兵夜遁辛卯渡河追之

上都諸王圖喇台等兵入紫荆關將士皆潰遣托克
托穆爾等將兵四千援之紫荆關潰卒南走保定因肆
剽掠同知路事阿里錫及故蔡國公張珪子武昌萬戶
景武等率民持梃擊死數百人壬辰額森特軍至保定
殺阿里錫及張景武兄弟五人並取其家貲 癸巳雅

克特穆爾及陽翟王太平國王多羅岱等戰於檀子山之棗林騰吉斯陷陳殺太平死者蔽野餘宵遁遣薩敦追之不及而還 忽喇台等兵自紫荆關進逼涿州至良鄉游騎犯南城甲午托克托穆爾章古與額森特合兵擊之轉戰至盧溝橋呼喇台被創據橋而宿乙未雅克特穆爾率諸將循北山而西台脫銜繫囊盛莖豆以飼馬士行且食晨夜兼程至於盧溝河呼喇台聞之望風西走是日凱旋入自肅清門帝大悅丙申賜宴興聖殿盡歡而罷 丁酉以縉山縣民十人嘗爲旺沁鄉導誅其爲首者四人餘各杖一百籍其家貲妻子分賜守

關軍士 戊戌諸將追阿喇特穆爾等至紫荊關獲之
送京師皆棄市己亥圖們岱爾軍復入古北口雅克特
穆爾以師赴之戰於檀州南野敗之東路蒙古萬戶哈
喇那懷率麾下萬人降餘兵皆潰圖們岱爾走還遼東
使者頒詔於甘肅至陝西行省行臺官塗毀詔書械
使者送上都湘寧王巴喇實里引兵入冀寧殺掠吏民
時太行諸關守備皆缺冀寧路來告急敕萬戶和尚將
兵由故關援之冀寧路官募民兵迎敵和尚以師爲殿
殺獲甚衆會上都兵大至和尚退保故關冀寧遂陷初
齊王伊噶特穆爾東路蒙古元帥布哈特穆爾聞帝卽

位乃趣上都圍之上都屢敗勢蹙辛丑都爾蘇奉皇帝

寶出降梁王旺沁遁遼王托克托爲齊王所殺遂收上

都諸王符印天順帝喇實晉巴不知所終後史經世大

詔既下於是都爾蘇之罪暴於縣宇中外同心奮勇敵

元人爲文宗飾說也明邱濬世史正綱云泰定帝乃裕

英宗爲特克實所弑諸王迎立之上初不與其謀武宗

初立之年喇實晉巴爲太子至是五年名分已定圖卜

特穆爾遣兵攻之以致於死史不明言其所以致死之

由然所以致之死地者圖卜特穆爾也案元史載天歷

初年事多本於經世大典濬所論頗得事理之平故錄

之壬寅以宣徽使額森特知行樞密院事宜徽制使

章吉爲行樞密院副使與知樞密院事伊蘇岱爾等將

兵西行擊潼關軍以張珪女歸額森特癸卯額森特穆爾軍至晉寧本路軍皆遁 甲辰晉邸及遼王所轄路府州縣達魯噶齊並罷免禁錮選流官代之 丙午中書省言凡有罪者旣籍其家貲又沒其妻子非古者罪人不孥之意今後請勿沒人妻子制可 丁未告祭於南郊 己酉陝西兵奪武關萬戶楊克忠等兵潰 庚戌帝御興聖殿齊王伊魯特穆爾及諸王大臣奉上皇帝寶都爾蘇等從至京師下之獄分遣使者檄行省內郡罷兵以安百姓 壬子以河南江西湖廣入貢駕驚太頻令減其數以省驛傳 癸丑雅克特穆爾辭知樞

密院事命其叔父東路蒙古元帥布哈特穆爾代之

御史臺言近北兵奪紫荆關官軍潰走掠保定之民本
路官與故平章張珪子景武等五人率其民以擊官軍
額森特不俟奏聞輒擅殺官吏及珪五子珪父祖三世
爲國勲臣卽珪子有罪珪之妻女又何罪焉今旣籍其
家又以其女歸額森特誠非國家待遇勲臣之意帝命
中書革正之 甲寅罷徽政院改立儲慶使司 湘寧
王巴喇實爾之冀寧還次馬邑元帥伊蘇岱爾執送京
師 丁巳毀顯宗室升順宗祔右穆第二室成宗祔右
穆第三室武宗祔左昭第三室仁宗祔左昭第四室英

宗祔右穆第四室 加命雅克特穆爾爲達喇罕仍命
子孫世襲其號 戊午詔廷臣曰凡今臣僚惟丞相雅
克特穆爾大夫巴延許兼三職署事餘者竝從簡省百
司事當奏者共議以聞不許獨請上都官吏自八月二
十一日以後擢用者竝追收其制 敕天下僧道有妻
者皆令爲民 盜殺太尉布哈初布哈乘國家多事率
眾剽掠居庸以北皆爲所擾至是盜入其家殺之興和
路當盜死罪刑部議以爲布哈不道眾所聞知遇盜殺
之而本路隱其殘剽之罪獨以盜聞於法不當中書以
聞帝嘉其議 是月河南行省平章阿爾哈雅集省憲

官問禦西兵之策無有言者阿爾哈雅曰汴在南北之交使西人得至此則江南三省之道不通於畿甸軍旅應接何日息乎夫事有緩急輕重今重莫如足兵急莫如足食吾徵湖廣之平陽保定兩翼軍與吾省之郛新翼廬州沂鄆礮弩手諸軍以備虎牢裕州哈喇魯鄧州孫萬戶兩軍以備武關荆子口以屬郡之兵及蒙古兩都萬戶左右兩衛諸部丁壯之可入軍者給馬乘資裝立行伍以次備諸隘芍陂等屯兵本自襄鄧諸軍來田者還其軍益以民之丁壯使守襄陽白土峽州諸隘別遣塔海以備自蜀至者括汴汝荆襄兩淮之馬以給之

府庫不足則命郡縣假諸殷富之家安豐等郡之粟溯黃河逕至於陝糴諸汴汝近郡者則逕至滎陽以達於虎牢吾與諸軍各奮忠義以從王事宜無不濟者眾曰唯命即日部分行事使廉訪使董守忠僉事錫蘇往南陽右丞圖特穆爾廉訪使布延往虎牢分遣兵馬聽其調用餽餉相望阿爾哈雅親閱實之自虎牢之南至於襄漢無不畢給時朝廷置行樞密院以總西事襄漢荆湖河南郡縣皆缺官阿爾哈雅便宜擇才以使之朝廷皆從其請已而西兵北行者渡河中以趨懷孟磁南行者特默格過武關殘鄧州直趨襄陽攻破郡邑三十餘

所過殺官吏焚廬舍且西結囊嘉特以蜀兵至阿爾哈雅謀知之益督餉西行遣行院官塔海領兵攻特默克又設備江黃置鐵繩於峽口佗舟艦以待戰十九日與西兵遇於鞏縣之石渡轉戰及暮兩軍殺傷與墮澗谷死者相等而虎牢遂爲敵有兵儲巨萬一旦悉亡諸軍斂兵而退二十二日至汴民大恐阿爾哈雅前後遣使告於朝輒爲額特森所畱不得朝廷音問阿爾哈雅親出拊循其民修城關以備衝突戒率伍以嚴守衛雖當危急怡然如平時眾賴以安十一月庚申以江南行臺御史王琚仁言汰近歲白身入官者敕行臺凡有

糾劾必出御史臺陳奏勿徑以封事聞 辛酉額森特
兵至武安額森特穆爾以軍降河東州縣聞之盡殺其
所署官吏 癸亥帝宿齋宮甲子服袞冕享於太廟
是日西兵逼汴城將百里而近阿爾哈雅召行院憲司
諸將吏告之曰吾荷國厚恩惟有一死以報上敵亦烏
合之眾何所受命而敢犯我誠使知聖天子之命則眾
沮而散耳吾今遣使告於朝請降詔赦其脅從註誤而
整軍西向以臨之別遣精騎數千上龍門繞出其後使
之進無所投退無所歸必成擒於鞏洛之間矣眾皆曰
善卽日與行院出師會使者自大都還言齊王已克上

都奉寶璽來歸刻日至京阿爾哈雅乃置酒相賀發書告屬郡及江南三省又募士得蘭珠者賁書諭之朝廷亦遣都護伊魯特穆爾以詔放散西軍之在虎牢者西軍多欲散走且聞行省院以兵至朝廷又使參政馮布哈親諭之靖安王乃遣使四輩與蘭珠來請命逡巡而去阿爾哈雅乃解嚴斂餘財以還民從陝西求民之被俘掠者歸其家凡數千人陝西官吏被獲者亦皆遣還朝廷遷阿爾哈雅爲陝西行臺御史大夫以綏定之庚午命總宿衛官分簡所募勇士非舊嘗宿衛者皆罷去日本舶商至福建博易者浙江行省選廉吏征其

稅 中書省言今歲旣罷印鈔本來歲擬印至元鈔一百一十九萬二千錠中統鈔四萬錠監察御史言戶部鈔法歲會其數易故以新期於流通不出其數邇者都爾蘇以上都經費不足命有司刻板印鈔今事已定宜急收毀從之 監察御史薩里布哈索諾木于欽張士宏言朝廷政務賞罰爲先功罪旣明天下斯定近因特們德爾擅權竊位假刑賞以濟其私綱紀始紊迨至泰定爵賞益濫比以兵興用人甚急然賞罰不可不嚴宜命有司務合輿情明示黜陟功罪旣明賞罰攸當則朝廷肅清紀綱振舉而天下治矣帝嘉納之 辛未特默

格兵入襄陽本路官皆遁襄陽縣尹谷廷珪主簿張德獨不去西兵執之使降不屈死之時僉樞密院事塔海擁兵南陽不救 壬寅雅克特穆爾言向者上都舉兵諸王實喇樞密同知阿奇喇等十人南望宮闕鼓噪其黨拒命逆戰情不可恕詔各杖一百七流遠州籍其家 賢 甲戌居泰定后雍吉喇氏於東安州 丙子蘇蘇坐受賂杖之徙襄陽以母年老詔留之京師 丁丑以躬祀太廟禮成御大明殿受諸王百官朝賀 荆王伊蘇布十遣使傳檄至襄陽特默格引兵走 己卯中書省言內外流官年及致仕者竝依階敘授以制敕今後

不須奏問從之 諸衛漢軍及州縣丁壯所給甲冑兵

仗皆令還官 庚寅遣使奉迎皇兄周王和寶拉於漠

北 以中政院使敬儼爲中書平章政事 壬午第三

皇子寶寧更爲太平訥命大司農邁珠保養於其家

詔行樞密院罷兵還 癸卯上都左丞相都爾蘇伏誅

磔其尸於市梁王旺沁亦賜死瑪謨錫寧珠薩實密實

額森特穆爾等皆棄市時朝議欲盡戮朝臣之在上都

者敬儼抗論謂是皆循例從行殺之非罪眾賴以獲免

甲申命威順王庫春布哈

舊倫寬徹不花今改

還鎮湖廣先是

帝嘗命王征八番而蜀酋囊嘉特拒命未平南臺御史

秦起宗言武昌重鎮當備上流之師親王不可遠去力止之及王入見帝謂曰八番之行非秦元卿幾爲失計遂遣王還鎮朝議以起宗治蜀幕府忘其名以其字稱之曰秦元卿嘗引筆改曰起宗其眷注如此未幾拜中臺御史起宗廣平淡水人也御史中丞趙世延以老

疾辭職不許用故中丞崔彥故事加平章政事居前職

丙戌以阿魯輝特穆爾等六人在上都欲舉義不克而死竝賜贈諡卹其家遣諸衛兵各還鎮遼王托克托之子巴都聚黨出剽掠敕宣德府官捕之四川行省平章囊嘉特自稱鎮西王以其省左丞托克托爲

平章前雲南廉訪使楊靜爲左丞殺其省平章寬春等
稱兵燒絕棧道烏蒙路教授杜巖肖謂聖明繼統方內
大寧省臣當罷兵入朝庶免一方之害囊嘉特杖之一
百七禁錮之 十二月庚寅命通政院整飭蒙古驛諸
關隘嘗毀民屋以塞者賜民鈔俾完之 丙午謁武宗
神御殿 御史臺言額森特將兵所至擅殺官吏俘掠
子女貨財詔刑部鞠之籍其家杖之竄於南寧命其妻
歸父母家 庚子赦天下 辛丑江南行臺御史言遼
王托克托自其祖父以來屢爲叛逆蓋因所封地大物
眾宜削王號處其子孫遠方而析其元封分地詔中外

與勲舊議其事

甲寅復遣使薩迪等奉迎皇兄於漠

北 丁巳封西安王喇實納實哩爲豫王 戊午詔蒙

古色目人願丁父母憂者聽如舊制 是月加諡顏真

卿正烈文忠公命有司歲時致祭 陝西白泰定二年

至是歲不雨大饑民相食 朔漠諸王皆勸周王南還

王遂發諸王察阿台沿邊元帥多拉特萬方瑪噶等咸

帥師扈行舊臣博囉尙嘉努哈巴爾圖皆從至金山嶺

北行省平章政事和尼奉迎武寧王庫庫圖命知樞密

院事特穆爾布哈繼至乃命博囉如京師兩都之民間

王使者至歡呼曰天子實自北來矣諸王舊臣爭先迎

謁所至成聚 是歲兩都構兵漕舟後至直沽者不果
輸復漕而南還行省欲坐罪督運者海道都漕運萬戶
王克敬曰若平時而往返如是誠爲可罪今蹈萬死完
所漕而還豈得已哉請令其計石數附次年所漕舟達
京師從之 雅克特穆爾議封巴延王爵眾論附之參
議中書省事策丹獨不言雅克特穆爾問故策丹曰巴
延已爲太保位列三公而復加王封後再有大功將何
以處之且丞相封王出自上意今欲加太保王封丞相
宜請於上王爵非中書選法也遂寢其議 前集賢直
學士鄧文原奉文原內嚴而外恕家貧而行廉自致仕

歸召爲翰林侍講學士復拜嶺北湖南道肅政廉訪使
皆以疾不赴後謚文肅

續資治通鑑卷第二百四

續資治通鑑卷第二百五

聖祖皇帝御極二十有九年春正月丙寅朔日

元紀二十三

起曆維大荒落正月
盡十二月凡一年

明宗翼獻景孝皇帝

諱和實拉武宗長子也母曰
仁獻章聖皇后伊奇哩

烈

今氏帝以大德四年十一月壬子生十一年武

宗入繼大統立仁宗為皇太子命以次傳於帝武

宗崩仁宗立延祐三年春立英宗為皇太子封帝

為周王出鎮雲南行至陝西從臣不候南行擁帝

至金山之

北遂居焉

天歷二年春正月己未朔立都督府以總左右奇徹及

龍翔衛命雅克特穆爾兼統之 庚申遣前翰林學士

承旨布達實哩赴周王行所仍命太府太監實喇卜

舊倫

沙刺班奉金幣以往平章政事敬儼以傷足告歸

今改敬儼之歸本傳於年月一辛酉以高昌王特穆爾布哈

不甚詳晰今從宰相表為中書左丞相大司農王毅為平章政事周王遣和

勒圖達遜喇至京師以巴特穆爾扈從有功遣使以幣

帛百匹即行所賜之武寧王庫庫圖遣使來言周王

啟行之期癸亥以雅克特穆爾為御史大夫初雅克

特穆爾乞解相印還宿衛帝勉之曰卿已為省院惟未

入臺其聽後命至是遷御史大夫依前錄軍國重事達

喇罕太平王甲子齊王伊嚕特穆爾薨乙丑命中

書左丞伊勒特穆爾迎周王丙寅帝幸大承恩福元

寺 戊辰遣使獻海東鵠於周王 辛未中書省言近

籍沒奇徹家其子年十六請令與其母同居仍請自今
臣僚有罪籍沒者其妻其子它人不得陳乞沒爲官口
從之 壬申遣近侍星吉巴勒以詔往四川諭囊加特
癸酉以遼陽省高麗肇州三萬戶將校從逆舉兵犯
京畿拘其符印制敕 囊嘉特乞師於鎮西武靖王綽
斯班綽斯班以兵守關隘 甲戌復命太僕卿嘉暉獻
海東鵠於周王 丙子皇后廢臣章珠圖等七人授集
賢學士等官 丁丑囊嘉特攻破播州猫兒埡隘宣慰
使楊雅爾布哈開關納之陝西蒙古軍都元帥布哈台

者囊嘉特之弟囊嘉特遣使招之布哈台不從斬其使
中書省言朝廷賞賚不宜濫及罔功鷹鵠獅豹之食
舊支肉價二百餘錠今增至萬三千八百錠控鶴舊止
六百二十八戶今增至二千四百戶又佛事歲費以今
較舊增多金千一百五十兩銀六千二百兩鈔五萬六
千二百錠幣帛三萬四千餘匹請悉簡汰從之 壬午
周王遣常侍博囉及特殊勒先至京師賞以金幣居宅
仍遣內侍圖嘉琿如周王行所 乙酉薩題等見周王
於行幄致命辭勸進 播州楊萬戶引四川賊兵至烏
江峯官軍擊敗之八番元帥圖楚克被烏江北岸賊兵

復奪關口諸王伊嚕特穆爾統軍五萬五千至烏江與
脫出會囊嘉特焚雞武關大橋又燒絕棧道 丙戌周
王邽皇帝位於和寧之北是爲明宗扈行諸王大臣咸
入賀乃命薩題遣人還報京師已而布達實里等輦金
鉅幣帛至遂遣薩題等還京師帝命之曰朕弟曩觀書
史邇者得毋廢乎聽政之暇宜親賢士大夫講論史籍
以知古今治亂得失卿等至京師當以朕意諭之 奉
元蒲城縣民王顯政五世同居衛輝安寅妻陳氏河間
王成妻劉氏冀寧李孝仁妻寇氏濮州王義妻雷氏南
陽郃二妻張氏懷慶阿魯輝妻翟氏皆以貞節聞竝旌

其家

二月己丑曲赦四川龔嘉特

庚寅大都復以

雅特穆爾爲中書右丞相監修國史知樞密院事餘如
故辛卯御大明殿冊命皇妃永吉喇氏 壬辰宣靖王
邁努自大都來覲於行在 癸巳大都遣翰林侍講學
士曹元用祀孔子於闕里 龔嘉特據雞武關奪三义
柴關等驛以書誘鞏總帥汪延昌又進兵至金州據白
土關陝西行省督軍禦之大都樞密院言龔嘉特阻兵
四川其亂未已請命鎮西武靖王綽斯班等皆調軍以
湖廣行省官托歡集賽博囉及鄭昂霄總其兵進討戊
戌命察罕托諾爾宣慰使薩特密實將本部蒙古軍會

鎮西武靖王討四川 頒行農桑輯要及栽桑圖 辛
丑大都中書省議追尊皇妣伊奇哩氏曰仁獻章聖皇
后唐古氏曰文獻昭聖皇后伊奇哩明宗母唐古文宗
母也 丙午囊嘉特分兵逼襄陽湖廣行省調兵鎮播
州及歸州 辛亥大都諭廷臣曰薩題還言大兄已卽
皇帝位凡二月二十一日以前除官者速與制敕後凡
銓選其詣行在以聞 廬州路合肥縣地震 壬子命
有司造行在帳殿 癸丑諸王伊魯特穆爾等至播州
招諭土官之從囊嘉特者楊延里布哈及其弟等皆來
降 大都立奎章閣學士院秩正三品以翰林學士承

旨呼圖魯都爾集賢大學士趙世延並爲大學士侍御史薩題翰林直學士虞集並爲侍讀學士又置承制供奉各一員遣使以除目奏於行在帝竝從之 三月戊午朔帝次潔堅察罕之地 辛酉大都遣右丞相雅克特穆爾奉皇帝寶於行在所御史中丞巴實喇知樞密院事圖爾哈特穆爾等各率其屬以從復命有司以金銀幣帛詣行在所以備賜予因謂其廷臣曰寶璽旣北上繼今國家政事其遣人聞於行在所 癸亥大都命有司造乘輿服御北迎大駕 大都改潛邸所幸諸路名建康曰集慶江陵曰中興瓊州曰乾寧潭州曰天臨

丙寅耀里特穆爾自行在還大都諭旨曰朕至上都
宗王大臣必皆會集有司當備供帳上都積貯已爲都
爾蘇所耗大都府藏間亦盡虛供億如有不足其以御
史臺司農寺樞密宣徽宣政等院所貯充之 戊辰雲
南諸王達實布哈圖沁布哈及行省平章瑪呼斯等集
眾五萬數丞相額森吉尼專擅十罪將殺之額森達爾
遁走八番達實布哈僞署參知政事等官 己巳大都
命改集慶潛邸建大龍翔集慶寺以來歲興工 夏四
月壬辰大都命浚渚州漕運河 癸巳雅克特穆爾見
帝於行在率百官上皇帝寶帝嘉其勲拜太師仍命爲

中書右丞相錄軍國重事達喇罕太平王餘竝如故復諭雅克特穆爾等曰凡京師百官朕弟所用者竝仍其舊卿等其以朕意諭之雅克特穆爾曰陛下君臨萬方國家大事所係者中書省樞密院御史臺而已宜擇人居之帝然其言以武宗舊人哈瑪爾圖舊俗哈八兒禿今改爲中書平章政事前中書平章政事巴特穆爾知樞密院事常侍博囉爲御史大夫 甲午立行樞密院命昭武王知樞密院事和錫領行樞密院事賽特穆爾邁努竝同知行樞密院事是日帝宴諸王大臣於行殿雅克特穆爾哈瑪爾圖巴特穆爾博囉等侍帝特命臺臣曰太祖

皇帝嘗訓飭臣下云美色名馬人皆悅之然方寸一有
係累卽能壞名敗德卿等居風紀之司亦嘗念及此乎
世祖初立御史臺首命塔齊爾賓達傑爾二人協司其
政天下國家譬猶一人之身中書則右手也樞密則左
手也左右手有病治之以良醫省院缺失不以御史臺
治之可乎凡諸王百司違法越禮一聽舉劾風紀重則
貪墨懼猶斧斤重則入木深其勢然也朕有缺失卿亦
以聞朕不以責也 乙未特命博囉等傳旨宜諭雅克
特穆爾巴特錫和實哈瑪爾圖巴特勒等曰凡省院臺
百司庶政詢謀僉同標譯所奏以告於朕軍務機密樞

密院當卽以聞毋以夙夜爲間而稽留之其它有所言
必先中書院臺其下百司及督御之臣毋得隔越陳請
宜宣諭諸司咸俾聞知倘違朕意必罰無赦 丁酉以
陝西行臺御史大夫特穆爾圖爲上都留守 己亥湖
廣行省參知政事博囉奉詔至四川赦囊嘉特罪囊嘉
特等聽詔蜀地悉定諸省兵皆罷 癸卯遣使如京師
卜日命中書左丞相特穆爾布哈攝告卽位於郊廟社
稷遣武寧王庫庫圖平章政事瑪哈爾圖立皇弟圖卜
特穆爾爲皇太子仍立詹事院罷儲慶司 以徹爾特
穆爾爲中書平章政事闊爾吉爲中書右丞 乙巳監

察御史言嶺北行省控制一方廣輪萬里實爲太祖肇基之地國家根本係焉方面之寄豈可輕任平章達錫濟素非勲舊奴事都爾蘇偪起宿衛輒爲右丞俄陞平章年已七十眊昏殊甚左丞瑪謨本晉邸部民以女妻都爾蘇引爲都水遂除左丞郎中羅勒市井小人呼魯呼乃晉邸衛卒不諳政務竝宜黜退帝曰御史言甚善其竝黜之又諭臺臣曰御史劾嶺北省臣朕甚嘉之繼今所當言者勿有所憚被劾之人苟營求申訴朕必罪之或廢非其實毋輒以聞五月丁巳朔帝次多勒巴津之地是日皇太子賜雅克特穆爾父祖紀功碑銘

戊午遣豫王特納實哩還大都 己未皇太子遣翰林學士承旨鄰特穆爾來迎大駕

庚申帝次鄂爾水

東癸亥次拜薩濟圖之地 是日皇太子復遣翰林學士承旨鄂爾多來迎大駕

乙丑命有司給行在宿衛

士衣糧及馬芻豆 庚午帝命雅克特穆爾陞用嶺北

行省官吏其餘官吏竝賜散官一級選用潛邸舊臣及

扈從士受制命者八十有五人六品以下二十有六人

甲戌皇太子命中書省臣擬用中書六部官奏於行

在所 壬申次溫都爾海之地以重嘉努爲御史中丞

乙亥次呼圖喇敕大都省臣鑄皇太子寶時求太子

故寶不知所在近侍巴布哈言寶藏於上都行幄遣人
於上都索之無所得乃命更鑄之 丁丑皇太子發京
師北迎大駕鎮南王特穆爾布哈及諸王駙馬扈衛百
官悉從行市馬二百匹載乘輿服御送行在所 六月
丁酉陞都督府爲大都督府 壬寅戒近侍毋得輒有
奏請 庚戌皇太子次於上都之六十店 辛亥帝次
哈爾納圖之地詔中書省臣凡國家銓選錢穀諸大政
事先啓皇太子然後以聞 陝西行臺御史孔思迪言
人倫之中夫婦爲重內外大臣得罪就刑者其妻妾卽
斷付它人似與國朝旌表貞節之旨不侔夫亡終制之

令相反況以失節之婦配有功之人又與前賢所謂娶失節者以配身是已失節之意不同今後凡負國之臣籍沒奴婢財產不必罪其妻子當典刑者則孥戮之不必斷付它人庶使婦人均得守節請著爲令 壬子海運糧至大都凡百四十萬九千一百三十石 是月皇太子賜鳳翔府岐陽書院額書院祀周文憲王仍命設學官春秋釋奠如孔子廟儀 秋七月丙辰朔日有食之自六月壬子雨至是日乃已 己未皇太子覲定遷徙法凡應徙者驗所居遠近移之千里在道遇赦皆得放還如不悛再犯徙之本省不毛之地十年無過則量

移之所遷人死妻子願歸土者聽著爲令 壬申監察

御史巴迪斯言朝廷自去秋命將出師戡定禍亂其供

給軍需賞賚將士所費不可勝計況冬春之交雪雨愆

期麥苗槁死秋田未種民庶遑遑流移者眾此正國家

節用之時也如果有功必當賞賚者宜視其官之崇卑

而輕重之不惟省費亦可示勸其近侍諸臣奏請恩賜

宜悉停罷以紓民力帝嘉納之仍敕中書省以其言示

有司 癸酉太白經天 丙子皇太子受新寶 辛巳

冀寧陽曲縣雨雹大者如雞卵 八月乙酉朔帝次鴻

和爾舊倫王忽之地丙戌皇太子入見是日宴皇太子

及諸王大臣於行殿庚寅帝暴崩年三十葬起輦谷皇
太子入臨哭盡哀雅克特穆爾以皇后命奉皇帝璽寶
授皇太子致異元史續編云故老言雅克特穆爾奉主
璽綬明宗從官有不爲之禮者雅克特穆爾
且怒且懼既而帝暴崩雅克特穆爾問哭聲即奔入帳
中取寶璽扶文宗上馬南馳本史乃言皇太子入哭盡
哀雅克特穆爾以皇后命奉皇帝寶於太子其說不合
據庚申外史云文宗疾大漸召皇后太子日鴻和尼之
事爲朕生平大錯鴻和尼者乃明宗皇帝從北方來飲
毒而崩之地是以明宗爲被弑矣明宗暴崩實雅克特
穆爾之故而文宗亦不得辭其罪劉基集中有犬馬引
譏順帝不能報蓋天之仇則當日草野俱多物議矣但
飲毒之說究無確証今仍從元史書
之而庚申外史所述亦附見於後
皇太子疾驅而還
雅克特穆爾從行晝則率宿衛士以扈從夜則躬環甲
胄繞幄殿巡護壬辰次博囉察罕以巴延爲中書省丞

相依前太保奇徹台阿爾斯蘭哈雅趙世延竝中書參
知政事甘肅行省平章多爾濟爲中書右丞中書參議
阿榮太子詹事丞趙世安竝中書參知政事前右丞相
達實特穆爾知樞密院事特穆爾布哈及上都留守特
穆爾圖竝爲御史大夫 宣政院使回回閻明宗崩流
涕不能食自是杜門不出者數年以疾卒回回與弟庫
庫舊作變今改皆爲時之名臣世號雙璧皆博果密之子也
癸巳皇太子至上都雅克特穆爾遂與諸王大臣陳
勸復進大位 丙申流諸王圖喇楚於海南 戊戌四
川囊嘉特以指斥乘輿坐大不道棄市 己亥皇太子

復卽位於上都之大安閣詔曰晉卽違盟構逆據有神
器天示譴告竟隕厥身於是宗戚舊臣協謀以舉義正
名以討罪揆諸統緒屬在眇躬朕興念大兄播遷朔漠
以賢以長歷數宜歸力拒羣言至於再四乃曰艱難之
際天位久虛則眾志弗固恐墮大業朕雖從其請初志
不移是以固讓之詔始頒奉迎之使已遣尋命喇特納
實哩雅克特穆爾奉皇帝寶璽遠迓於途受寶卽位之
日卽遣使授朕皇太子寶朕幸釋重負實獲素心乃率
臣民北迎大駕而先皇帝跋涉山川蒙犯霜露道路遼
遠自春徂秋懷艱阻於歷年望都邑而增慨徒御弗慎

屢爽節宣信使往來相望於道八月一日大駕次鴻和
爾朕切瞻對之有斯兼程先進相見之頃悲喜交集何
數日之間而官車弗駕國家多難遽至於斯念之痛心
以夜繼旦諸王大臣以爲祖宗基業之隆先帝付託之
重天命所在誠不可違請卽正位以安九有朕以先皇
帝奄棄方新銜哀辭對固請彌堅執誼伏闕者三日皆
宗社大計乃以八月十五日卽皇帝位於上都可大赦
天下 辛丑立寧徽寺掌明宗宮分事壬寅以鈔萬錠
幣帛二千匹供明宗皇后費用 乙巳發諸衛軍浚通
惠河 丙午自庚子至是日晝霧夜晴 丁未以瑪薩

爾岱爲上都留守瑪薩爾岱前爲陝西行臺侍御史坐
塗毀詔書得罪以其兄巴延有功故特官之 曹元用
自曲阜代祀還以司寇像及代祀記獻帝甚喜值大禧
宗禋院副使缺中書請以元用爲之帝不允曰此人翰
林中所不可無者將大用之會率帝嗟悼久之追封東
平郡公諡文獻 己酉車駕發上都 庚戌改詹事院
爲儲政院以巴延兼儲政院使 河東宣慰使哈克繼
託朝賀爲名斂所屬鈔千錠人已事覺徵鈔還其主敕
自今有以朝賀斂鈔者以枉法論罪 甲寅監察御史
劾前丞相齊布哈符以贓罷夫歷初因人成功遂居相

位既矯制以瑪間家貲賜平章蘇蘇又與蘇蘇等潛於
日者推測聖筭今奉詔已釋其罪請竄諸海島以杜奸
萌帝曰流竄海島朕所不忍其并妻子置之集慶加
封大都城隍爲護國保寧王 景州脩縣尹呂思誠差
民戶爲三等均其徭役刻孔子像令社學祀事每歲春
行田樹畜勤敏者賞以農器人爭趨事地無遺力民石
安兒等流離積年至是聞風復業印識文簿俾社長藏
之季月報縣不孝弟不事生業者悉書之罰其輸倫胥
吏至社者何人用飲食若干多者責償其直豪猾者竄
名職田戶思誠盡祛其弊天旱道士持青蛇曰盧師谷

小青謂龍也禱之卽雨思誠以其惑人殺蛇逐道士雨亦隨至遂有年縣多淫祠動以百餘計刑牲以祭者無虛日思誠悉命毀之唯存漢董仲舒祠 九月乙卯朔市故宋太后全氏田賜大承天護聖寺 辛酉詔凡往明宗所送寶官吏越次超陞者皆從黜降 丁卯帝至自上都 戊辰敕翰林國史院官同奎章閣學士采輯本朝典故準唐宋會要著爲經世大典 敕使者頒詔赦率日行三百里旣受命逗遛三日及所至飲宴稽期者治罪受賂者以枉法論 辛未監察御史劾奏知樞密院事達實特穆爾阿附都爾蘇又與旺沁舉兵犯闕

今既待以不死而又付之兵柄事非使詔罷之 癸酉

帝御大明殿受諸王百官朝賀 特們德爾諸子索珠

舊倫鎖

住今改等明宗嘗敕流於南方雅克特穆爾言天歷初

有勞於國請各遣還田里從之 甲戌命江浙行省明

年漕運糧二百八十萬石赴京師 乙亥史惟良上疏

言今天下郡邑被災者眾國家經費若此之繁帑藏空

虛生民凋瘵此正更新百度之時也宜遵世祖成憲汰

冗濫蠶食之人罷土木不急之役事有不便者咸釐正

之如此則天災可弭禎祥可致不然因循苟且其弊漸

深治亂之由自此而分矣帝嘉納之 丙子以衛輝路

早罷蘇門歲輸米二千石 論額森特以不忠不敬伏

誅 癸未建顏子廟於曲阜所居陋巷 時方建龍翔

集慶寺命阿榮趙世安督工臺臣監造南臺御史蓋苗

上封事曰臣聞使民以時使臣以禮自古未有不由斯

道而致隆平者陛下龍潛建業之時居民困於供給幸

而獲覩今日之運百姓跂足舉首以望非常之惠今奪

民時毀民居以創佛寺豈聖人御天下之道乎咎漢高

祖興於豐沛爲復兩縣光武中興南陽免稅三年今不

務此而隆重佛氏何以慰斯民之望哉且佛以慈悲爲

心方便爲教今尊佛氏而害生民無乃違其方便之教

乎臺臣職專糾察表正百司今乃委以修繕之役豈其
理哉書奏爲免臺臣監役 關中大饑帝問奎章侍書
學士虞集何以救民之饑對曰承平日久人情晏安有
志之士急於近效則怨譟興焉不幸大災之餘正君子
爲治伦新之機也若遣一二有仁術知民事者稍寬其
禁令使得有所爲隨郡縣擇可用之人因舊民所在定
城郭修閭里治溝洫阡畎薄征斂招其傷殘老弱漸
以其力治之則遠去而來歸者漸至春耕秋斂皆有所
助一二歲間勿征勿徭封域旣正友望相濟四面而至
者均齊方正截然有法則三代之民將見出於空虛之

野矣帝稱善因進曰幸假臣一郡試以此法行之三五年間必有以報朝廷者左右有曰虞伯生欲以此去耳遂寢其議以張養浩爲陝西行臺御史中丞初養浩以父老棄官歸養屢徵不赴及聞陝西中丞之命卽散其家之所有與鄉里貧乏者登車就道遇餓者則賑之道經華山禱雨於嶽祠大雨如注水三尺乃止禾黍自生秦人大喜時斗米值十三緡民持鈔出糴稍昏卽不用詣庫換易則豪猾黨蔽易十與五累日不可得民大困養浩乃檢庫中未毀昏鈔文可驗者得一千八十五萬餘緡悉以印記其背又刻十貫五貫爲券給散貧民

命米商視印記出粟詣庫驗數以易之於是吏弊不敢行又率富民出粟因請行納粟補官之令聞民間有殷子以奉母者爲之大慟出私錢以濟之到官四月未嘗家居止宿公署夜則禱於天晝則出賑饑民終日無少怠每一念至卽撫膺慟哭遂得疾不起卒年六十關中之人哀之如失父母追封濟國公謚文忠 是月太史院使齊履謙卒履謙少篤學勤苦家貧無書及爲星歷生在太史局會祕書監輦亡宋遺書畱置本院因晝夜諷誦淡究自得故其學無不淹貫時立國百有餘年而郊廟之樂沿襲宋金未有能正之者履謙謂樂本於律

律本於氣而氣候之法具在前史可擇僻地爲祕室取金門之竹及河內葭莩候之上可以正雅樂薦郊廟和神人下可以同度量平物貨厚風俗列其事上之又得黑石古律管一長尺有八寸其製與律家所說不同蓋古所謂玉律也適遷它官事遂寢有志者深惜之後追封汝南郡公謚文懿 冬十月甲申朔帝服袞冕享太廟 辛卯雅克特穆爾率羣臣請上尊號不許 申飭海道轉漕之禁 籍四川懋嘉特家產其黨楊靜等皆奪爵杖之籍其家流遼東 甲午以登極恭謝遣官代祀於南郊社稷 中書省言舊制朝官以三十月爲一

攷外任則三年爲滿比年朝官率不久於職或數月卽
改遷於典制不類且治蹟無從攷驗請如舊制爲宜敕
除風憲官外其餘朝官不許二十月內遷調 丙申上

大行皇帝尊謚曰翼獻景孝皇帝廟號明宗國語曰齊

雅爾

舊倫禮牙
篤今改

皇帝

己亥申飭都水監河防之害

辛丑敕諸王公官府寺觀撥賜田租除魯國大長公主

聽遣人徵收外其餘悉輸於官給鈔酬其直 壬寅弛

陝西山澤之禁以利民

大寧路地震

癸卯監察御

史劾奏張思明在仁宗朝阿附權臣特們德爾間謀兩
宮仁宗灼見其姦旣行黜降及英宗朝特們德爾再相

復援爲左丞稔惡不悛旣以罷廢今又冒居是官宜黜
罷詔罷之 戊申徵托多王士熙等於貶所放還鄉里
庚戌罷大承天護聖寺工役囚在獄三年疑不決者
釋之民欠官錢無可追徵者盡蠲免 賑常德諸路饑
十一月乙卯受佛戒於帝師佗佛事六十日 甲子
賑廬州饑 己巳以薩迪爲中書右丞 命中書左丞
趙世安提調國子監學 丁丑廣源徭寇掠湖廣州縣
命行省招捕之 己卯翰林國史院言纂修英宗實錄
請具都爾蘇款伏付史館從之 高麗國王王燾久病
不能朝請命其子楨襲位 以平江官田百五十頃賜

大龍翔集慶寺及大崇善萬壽寺 壬子詔豫王喇特

納實哩鎮雲南 十二月甲申以帝師自西番至命朝

廷一品以下咸郊迎大臣俯伏進觴帝師不爲動國子

祭酒富珠哩狎舉觴立進曰帝師釋迦之徒天下僧人

師也予孔子之徒天下儒人師也請各不爲禮帝師笑

而起舉觴卒飲眾爲之悚然 詔僧尼徭役一切無有

所預 丙戌詔百官一品至三品先言朝政得失一事

四品以下悉聽敷陳仍命趙世安阿榮輯錄所上章疏

善者卽議舉行 追封雅克特穆爾曾祖班都察爲溧

陽王祖托克托呼爲昇王父綽和爾爲揚王 乙未改

封前鎮南王特穆爾布哈爲宣讓王初鎮南王托布哈
薨子博囉布哈幼命特穆爾布哈襲其爵博囉布哈旣
長特穆爾布哈請以王爵歸之乃特封宣讓王以示褒
寵 詔諭羣臣曰皇姑魯國大長公主早寡守節不從
諸叔繼何鞠育遺孤其子襲其王女配予一人朕思庶
民若是者猶當旌表況在懿親乎趙世延虞集等可議
封號以聞 詔諸僧寺田自金宋所有及累朝賜予者
悉除其租其有當輸租者仍免其役僧還俗者聽復爲
僧 壬寅命江浙行省印佛經二十七藏 丁未造至
元鈔四十五萬錠中統鈔五萬 是歲中書平章政事

徹爾特穆爾出爲河南行省平章政事是時黃河清有
司以爲瑞請問於朝徹爾特穆爾曰吾知爲臣忠爲子
孝天下治百姓安爲瑞餘何益於治歲大饑徹爾特穆
爾議賑之其屬以爲必自縣上之府府上之省然後以
聞徹爾特穆爾曰民饑死者已眾乃欲拘以常格耶往
復累月民存無幾矣此蓋有司畏罪將歸怨於朝廷吾
不爲也大發倉廩賑之乃請專擅之罪帝嘉之賜龍衣
上尊

續資治通鑑卷一百五